


渭南文集

詩詞



渭南文集卷第四十九

山陰陸游務觀著

七言律詩

守嚴述懷

桐君故隱兩經秋
小院孤燈夜
愁名酒過於求
趙璧異書渾似借
荊州溪山勝處身
難到風月佳時
事不休
安得連雲車
載釀金鞭重作浣花遊

入城至郡圃及諸家園亭遊入甚盛

老子何曾慣市塵
今朝也復入城闈
太平有象人人醉
造物無私處處春
九陌鶯花娛望眼
一竿風月屬閑身

不緣興盡回桡早要就湖波照角巾

乍晴出遊

八十山翁病不支出門也賦喜晴詩小樓酒旆闌街處
深巷人家晒練時本借微風軟帽影却乘新暖弄鞭絲
歸來幸有流香在刺伴兒童一笑嬉

武林

皇輿久駐武林宮汴洛當時未易同廣陌有風塵不起
長河無凍水長通樓臺飛舞祥煙外鼓吹喧呼明月中
六十年間幾來往都人誰解記衰翁

西村暮歸

天氣清和修楔後土風淳古結繩前村：陂足分秧水
戶戶門通入郭船亭帳盜消常息鼓坊場酒賤不論錢
行人爭看山翁醉醉枕槐根卧道邊

入都

葵莧登盤酒可賒豈知扶病入離家朝行打岸濤頭惡
夜宿垂天斗柄斜不恨山林淹歲月但悲道路困風沙
鄰翁好為看耕隴行矣東歸一笑譁

上章納祿恩畀外祠遂以五月東歸

身似霜松老不枯乞骸猶得侍清都百錢濁酒渾家醉
六月飛蟲徹曉無美睡不愁閑客攬出遊自有小兒扶

買山尚恐巢由笑敢向君王覓鏡湖

黃紙淋漓字似鴉即今真箇是還家園廬漸近湖山好
鄰曲來迎鼓笛譁籩實傍籬收豆夾盤蔬臨水採芹芽
皇家養非忘汝不必清門學種瓜

群玉峯頭孤夢斷五雲溪上野船回傍人鷗鳥自然熟
到處藕花無數開麥飯不壓猶面稿柴門閉閉自心灰
雨來正作盆池地不怕冥冥半月梅

身是風前一斷蓬經年竊食竟何功倚天青嶂迎船出
撲馬紅塵轉眼空網戶餉魚勝丙穴旗亭送酒等郢筒
死前幸作扶犁叟免使淮南笑發紅

此身唯一躬耕乞得餘年樂太平東觀並遊鷺作夢
西湖重到付來生一堤草露明晨照半浦荷香颺晚晴
歷歷歸途肯勝事江亭先聽擢歌聲

七十

七十殘年百念枯桑榆元不補東隅但存隱具金鴉菴
那夢朝衣玉鹿盧身世蚕眠將作繭形容牛老已垂胡
客來莫問先生處不釣娥江即鏡湖

枕上作

龍鍾七十豈前期矮帽枯筇與老宜愁得酒卮如敵國
病須書卷作良醫登山筋力雖尢健閉戶工夫頗自奇

今日映晴春睡足臥聽鶯鶯已多時

八十三吟

石帆山下白頭人八十三回見早春自愛安閑忘寂寞
天將強健報清貧枯桐已爨寧求識敬帚當捐却自珍
桑苧家風君勿笑他年猶得作茶神

戲遣老懷

平生碌碌本無奇况是年垂九十時阿囡畧如郎罷
稚孫能伴太翁嬉花前騎竹強名馬階下埋盆便作池
一笑不妨閑過日歎哀憂死却成癡

春近

短褐枯筇老病身龍鍾也復喜新春已知不解多年住
且作都無一事人簪角自呼醉夢室中花氣襲衣巾
朝來更有欣然處一筋山蔬勝八珍

睡起至園中

春風忍已到天涯老子猶能領物華淺碧細傾家釀酒
小紅初試手栽花野人易與輸肝肺俗話誰能掛齒牙
更欲世間同省事勾回蟻戰放蜂衙

立春日

江花江水每年同春日春盤放手空天地無私生萬物
山林有處著衰翁牛羸心地身無罪梅發京華信不通

數片飛：猶臘雪村隣相喚賀年豐

東籬

東籬深僻嬾衣裳書卷縱橫雜藥囊無吏徵租終日睡
得錢沽酒一春狂新營茅舍軒窗靜旋煮山蔬已筋香
戲集句成圖素壁本來無事却成忙

春夏之交風日清美欣然有感

天遣殘年脫馬鞍功名不恨與心違綠波細雨移秧罷
朱舫斜陽擘紙歸花市丹青賣團扇象牙刀尺製單衣
白頭曳杖人爭看共歎浮生七十稀

病足累日不出菴門折芭自娛

頻報園花照眼明蹣跚正廢下堂行擁衾又聽五更雨
屈脂元無三日晴不柰病何拋酒醖粗知春在賴鶯聲
一枝自浸銅瓶水喜與年光未隔生

春日小園雜賦

久矣雲霄鍛羽翰小園聊得賦春寒風生鴨綠文如織
露染猩紅色未乾不向山丘歎零落且從兒女話團欒
人言麥信春來好湯餅今年慮已寬

晚春感事

少年騎馬入咸陽鶻似身輕蝶似狂蹴鞠場邊萬人看
鞦韆旗下一春忙風光流轉渾如昨志氣低摧只自傷

日永東齋淡無事，閉門掃地獨焚香。

甲子立春前二日

頭風初愈喜身輕，書卷時開覺眼明。
養熟犬鷄隨坐起，性靈鳥鵲報陰晴。
韭菘釘鉅春盤好，芝朮和臘藥成。
自笑衰殘殺風景，燈前不擬入重城。

幽居初夏雨霽

楸花練花照眼明，幽人浴罷葛衣輕。
燕低去地不盈尺，鵲喜傍簷時數聲。
對奕軒牕消永晝，晒詩院落喜新晴。
忽驚重五無多日，絲縷纏筒吊屈平。

初夏幽居

虛堂一幅接羅山，竹樹森疎夏令新。
餅竭重招延道士，床空新聘竹夫人。
寒龜不食猶能壽，弊帚何須亦自珍。
枕簟北窓應有厭，小山終日尚嶙峋。

麥熟市米價減鄰里病者亦皆愈欣然有賦
凶年已度麥方秋，學道從來幸寡求。
荷鍤自隨身若寄，漉籬可賣飯何憂。
鄰翁瀕死復相見，村市小涼時獨遊。
不怕歸時又侵夜，新添畧約跨清溝。

幽居初夏

藤冠草屨病支離，門外紛紛百不知。
解籜有聲驚倦枕，飛花無力點清池。
閑思舊事唯求醉，老感流年只自悲。

綠樹陰中紅練起一團零亂濕臙脂

五月初夏病體輕偶書

世事紛々了不知又逢燕乳麥秋經年謝客常因醉三
日無詩自恠衰乘雨細移西崦葉留燈重覆北窓基但
將生死俱拈起造物從來自小兒

夏日二首

吳中五月暑猶微竟日南堂坐掩扉綠樹霧香鶯獨語
畫廊風惡燕雙歸三千界內人人錯七十年來念念非
投老萬緣俱掃盡從今僧亦不須依

梅雨初收景氣新太平阡陌柴閑身陂塘漫々行秧馬

門巷陰々掛艾人白葛烏紗稱時節黃鷄綠酒聚比
鄰掀髯一笑吾真足不為無錐更歎貧

秋雨初晴有感

炎曦赫々尚餘威冷雨蕭々故解圍號野百蟲如自訴
辭柯萬葉竟安歸芼羹菰菜珍無價上釣魴魚健欲飛
散吏何功露一飽高眠仍聽搗秋衣

村居秋日

桔槔引水透荒畦病臥蝸廬不厭低小聚數家秋靄東
平陂千頃夕陽西亭臯草木猶葱蒨天上風雲已慘悽
逋負如山炊米盡終年枉是把鋤犁

秋晚書懷

頽然兀兀復騰騰，萬事惟除死未曾。
無柰喜歡閑弄水，不勝頑健遠尋僧。
喚船野岸橫斜渡，問路雲山曲折登。
却笑吾兒多事在，夜分未滅讀書燈。

舍北行飯書觸目

落鴈昏鴉集遠洲，青林紅樹擁平疇。
忽行舍北三叉路，閑看橋西一片秋。
少婦破煙撐去艇，兒童橫笛喚歸牛。
形容野景無餘思，自恠癡頑不解愁。

冬晴日得閑遊偶作

不用清歌素與塵，閑愁已自解連環。
閨年春近梅

澤國風和雪尚愴，詩思長橋蹇馬上。
棋聲流水古松間，殘天有事君知否。
止乞柴荆到死閑。

冬晴閑步東村，由故塘還舍

紅籐拄杖獨相羊，路遠東村小鎮傍。
水落枯萍黏蠅蝦

鄉人植竹以取蠶為之蠶蝦雲開寒日上魚梁，洛陽二項言良

是光範三書計本狂，歷盡危機識天道。
要令閑健返耕

桑

十二月八日步至西村

臘月風和意已春，時回散過吾隣。
草煙漠漠柴裏牛跡重，野水濱多病所須。
惟藥物差科未動，是間人今朝

佛粥更相餽更覺江村節物新

夜雨

蕭々殘雪雪侵冠卉々清愁用底寬把卷昏眸常欲閉
投床睡興却先闌惟須酒沃相如渴未分人哀范叔寒
雨霽定知梅已動佩壺明日試尋看

新年書感

早歲西遊賦子虛暮年負耒返鄉間殘軀未死敢忘國
病眼欲盲猶夢畫朋舊何勞記車笠子孫辛不廢蓄畬
新年冷落如常日白髮蕭々悶自梳

人日雪

歸來似老淵明清渴誰憐病長鄉小雨染成芳草色
好風吹斷畫簷声剪燈院落晨猶冷賣酒樓臺晚放晴
莫道此翁遊興懶蘭亭蕭寺已閑情

小飲梅花下作

脫巾莫嘆髮成絲六十年間萬首詩予自十七八學詩
今六十年得萬首
排日醉過梅落後通宵吟到雪殘時偶容後死寧非幸
自乞歸耕已恨遲青史滿前閑即讀幾人為我作者龜

六日雲重有雪意獨酌

遍遊數澤一漁船歷盡風霜只緼袍天為念貧與健
人回見懶候稱高地連海滋濤声近雲冒山椒雪意豪

偶得芳樽須痛飲涼州那得直蒲萄

小圃獨酌

少年裘馬競豪華豈料今為老圃家數點霏微杜公雨
兩叢閑淡女郎花詩成枕上常難記酒滿街頭却易賒
自笑爾來能用短只將獨醉作生涯

對酒

老子不堪塵世勞且當痛飲讀離騷以身幸已免虎口
有手但能持蟹螯牛角掛書何足問虎頭食肉亦非豪
天寒欲與人同醉安得長江化濁醪

醉中自贈

病臥江村不厭深貂裘無余曉寒侵非賢那長蛇年至
多難却愁人日陰嬾孤雲生翠壁霏急雪灑青林
一盃飯罷無餘事坐看生臺下凍禽

秋雨

剡曲高秋一草亭雨來迫我醉初醒豪吞平野宜閑望
亟打虛窓入靜聽沙上濕雲號斷雁籬根衰草綴孤
螢老人嬾復親燈火臥看爐香掩素屏

秋雨北榭作

秋風吹雨到江濱小閣踈簾晚色分津吏報增三尺水
山僧歸入萬重雲飄零雨冷井無桐葉斷續烟汀有鴈群

了却文書早尋睡簷聲偏愛枕間聞

春雨

倚闌正爾愛斜陽細雨霏之度野塘本為柳枝留淺色
却教梅蕊洗幽香小沾蝶粉初何惜暫濕鶯身亦未妨
造化無心能偏物憑誰開與問東皇

雨

家近蓬萊白玉京草堂登望不勝清初驚野色昏之至
已見波紋細之生殘醉頓消迎亂點微吟漸覺入寒聲
只愁今夕虛簷滴又對清燈夢不成

小雨初霽

富貴猶宜早退休一生齟齬更何求賦形未至欠壬甲
語命寧須憎斗牛粟里收身負亦樂平陵埋骨死無憂
狂歌醉舞真當免剝折梅花插滿頭

梅花

家是江南友是蘭水邊月底却新寒畫圖省識驚春早
玉笛孤吹怨夜殘冷淡合教閑處著清癯難遣俗人看
相逢剩作樽前恨索笑情懷老漸闌

十一月八夜燈下對梅獨酌累日勞甚頗自

慰也

奔走人間無已時夜窓喜對出山姿移燈看影憐渠瘦

掩戶留香笑我癡，冷豔照杯欺。
越蘂孤標逼硯，結冰漸
本來難入繁華社，莫向春風怨不知。

旬秀才送臘梅十枝，可甚為賦此詩。

與梅同譜，又同時我為評香，似更奇痛飲，便拚千日醉。
清狂頓減十年衰，色疑初割蜂脾，蜜影欲平欺鶴膝，枝
挿向寶壺，猶未稱合，將金屋貯幽姿。

樊江觀梅

莫笑山翁老據鞍，探梅今夕到江干。
半灘流水浸殘月，一夜清霜催晚寒。
倚醉更教重秉燭，怕愁元自怯憑欄。
誰知携客芳華日，曾費纏頭銀百端。

梅花四首

老厭紛紛，漸鮮歡愛花，聊復客心。
千月中欲與人爭瘦，雪後休憑笛訴寒。
野艇幽尋鷺，晚紗巾亂挿，醉更闌。
猶憐心事，淒涼甚，結子青，亦帶酸。

月地雲堦暗，斷腸知心誰解賞。
孤芳相逢，只恠影亦好，歸去始知身染香。
渡口耐寒窺，綠橋邊凝怨，立昏黃。
與卿俱是江南客，剩飲樽前說故鄉。

玄冥行令，爾冰霜墻角，踈梅特吐芳。
屑玉定煩脩月戶，堆金難買破荒了。
知一氣還無，且坐笑千林凍欲僵。
力量世間難得似，挽回歲律放春明。

折得名花伴以翁詩情恰在醉言
心中高標不合塵凡有
尤物真窮造化功霧雨更知仙
口別鈿丹那悟雪塵空
前身姑射疑君是問道端須順下風

連漪亭賞梅

判為梅花倒玉卮故山幽居憶
古籬寫真妙絕橫牕影
徹骨清寒蘸水枝苦節雪中逢
漢使高標澤畔見湘纍
詩成怯為花拈出萬斛塵襟我
口知

射的山觀梅

射的山前雨墊中籬邊初見一
姑以新照溪盡洗驕春意
倚竹真成絕代人餐玉元知非
火食化衣應笑走京塵

即今畫史無名手試把清詩當寫真

凌厲冰霜節愈堅人間乃有此癯仙坐
收國士無雙價
獨出東皇太一前以去幽尋應盡日向來別恨動經年
花中竟是誰流輩欲許芳蘭恐未然

園中賞梅

閱盡千葩萬卉春以花風味獨清真江邊曉雪愁欲語
馬上夕陽香趁人慰眼紅苞初報信回頭青子又生仁
羈遊偏覺年華速徙倚闌干一愴神

行遍茫茫禹畫州尋梅到處得閑遊春
前春後百回醉
江北江南千里愁未愛繁枝壓紗帽最
怜亂點糝貂裘

一寒可質君知否又得幽香數日留

梅

若耶溪頭春意慳梅花獨秀愁空山逢時快非桃李輩
得道自保冰雪顏仙去要令天下惜折來聊伴放翁閑
人中商略誰堪比千載夷齊伯仲間

雪

瘴癘家一洗無更欣餘潤沃焦枯花壺夜凍先除水
衣焙朝寒久覆爐松頂積高時自墮竹枝壓重欲相扶
雲開正值春風早却看晴光滿九衢

作雪寒甚有賦

雲暝風號得我驚硯池轉盼已水生窓間頓失疎梅影
枕上空聞斷雁聲公子皂貂方痛飲農家黃犢正深耕
老人別有超然處一首新詩信筆成

雪

但苦邴寒恓病翁豈知上瑞報年豐一庭不掃待新月
萬壑盡平號斷鴻繭紙欲書先硯凍羽觴繞舉已樽空
若耶溪上梅千樹欠我今年繫短蓬

平郊漫覺天低况復寒雲結慘悽老子方驚飛蛺蝶
群兒已說聚狡狴中霄猿墮頻摧木徹旦雞瘠重壓樓
只待新晴梅塢去青鞵未怯踏春泥

大雪

大雪江南見未曾今年方始是嚴凝
巧牙簾鏤如相覓重壓林梢欲不勝
氈幄擲盧忘夜睡金羈立馬怯晨興
此生自笑功名晚空想黃河徹底冰

雪中作

竹柝松僵鳥雀愁閉門我亦擁貂裘
已忘作賦遊梁苑但憶銜枚入蔡州
屬國食糴真強項翰林煮茗自風流
明昭日暖君須記更看青鴛玉半溝

鬢毛無柰歲華催一笑登臨亦樂哉
平地忽成三尺雪選湖何啻萬株梅
雲山疊々朝憑閣簾幙沉沉夜舉杯
節物鼎來方自此酥花綵勝待春回

登東山

老慣人間歲月催強扶衰病上崔嵬
生為柱國細事耳死畫雲臺何有哉
熟計提軍出青海未如喚客到金罍
明朝日出春風動更看青天萬里開

題庵壁

衰髮蕭疎雪滿巾君恩乞與自由身
身并猿鶴為三口家托煙波作四隣
十日風號未成雪一年梅發又催春
漁舟底用勤相覓本避浮名不避人

山行過僧庵不入

垣屋參差竹塢深，舊題名處嬾重尋。
茶爐煙起知高興，碁子聲疎識苦心。
淡日暉，孤市散殘雲。漠漠半川陰。
長吟未斷，清愁起，已見橫林宿暮禽。

間中書事

病過新年逐日添，清愁殘醉兩厭厭。
惜花萎去常遮日，待燕歸來始下簾。
堂上清風生玉麈，澗中寒溜滴銅蟾。
一生留滯君休歎，意望天公本自廉。
一畝山園半畝池，流年忽逮掛冠期。
賣花醉叟剝紅桂，種藥高僧寄玉芝。
午枕為兒哦舊句，晚窓留客葺殘基。
登庸策免多新報，老子癡頑總不知。

窮居

半世佞信所之窮，居仍抱暮年悲。
燒金術誤囊衣薄，種黍年凶酒味醜。
大厦萬間空有志，後車千乘更無期。
掩書常笑城南杜，麻屨還朝受拾遺。

西牕

西牕偏受夕陽明，好事能來慰此情。
看畫客無寒具手，論書僧有折釵評。
薑宜山茗留閑斲，豉下湖蓴喜共烹。
酒盞朱門非我事，諸君小住聽松聲。

耕罷偶書

新溉東臯畝一種烏犍粗足事，春農灑掃風雪吟雖苦。

社曲桑麻興本農老大斷非金谷友生存惟異酒泉封
莫朝野餉蕭條其箭茁尊絲亦且供

小築

小築湖邊避俗囂
成年於此寓簞瓢
雖無隱士子午谷
寧愧詩人丁卯橋
羅雀門庭無俗駕
綠雲燈路有歸樵
詩情酒興常相屬
堪笑傍人說寂寥

過鄰家戲作

久脫朝冠岸幅巾
時乘興過隣
餅無儲粟吾猶樂
步有新船子豈貧
醅甕香浮花露熟
藥欄土潤玉芝新
相從覓笑真當勉
又過浮生一歲春

簡隣里

今年意味報君知
屬疾雖頻未苦衰
獨坐小齋如自訟
小鑄殘俸類分司
閑撐野艇漁蓑濕
乱挿山花醉帽歌
有興行歌便終日
逢人那識我為誰

戲詠閑適

涉世心知百不能
閉門懶出病相仍
簞瓢味美如烹鼎
鄰曲人淳作結繩
半顆鴉殘牆外杏
一枝鵲裏澗邊藤
蕭然掃盡彈冠興
敢為詩情望武陵

閑中頗自適戲書示客

髮猶半黑臉常紅
老健應無似放翁
真野八珍邀父老

燒窮四和伴兒童剪紗新製簪花帽乞竺山見編養鶴籠
巢許夔龍竟誰是請君下語勿匆匆

幽居述事四首

曾會蘭亭醉墮簪後身依舊住山陰琴傳數世漆文斷
鶴養多年丹頂深滌硯灘頭無漬墨吹簫月下遺音
小詩戲述幽居事後有高人識以心

頽然掩戶不妨奇又賦幽居第二詩太藥鼎成今虎守
精思床穩用龜支壺中自喜乾坤別局上元知日月遲
更就群童閑闔草人間何處不見嬉

落葉平溝日滿廊幽居又賦第三章喜無俗事千靈

恨不終年住醉鄉上樹榜船雖老健疏泉移竹亦窮忙

山僧欲去還留話更盡西齋一炷香

舴艋東歸喜遂初頰拈枯筆賦幽居細燒柏子供清坐
明點松肪讀道書蒼瓜嫩芽開露茗紅根小把淪煙蔬
年來自許棧心盡頗性飛鷗自作疎

杜叔高秀才兩雪中相過留一宿而別口誦

此詩以送之

久客方知行路難關山無際水漫漶風吹欲倒孤城遠
雪落如筵野寺寒暮挈衣囊投上室晨沾杯酒掛驢鞍
文章一字無人識曾次徒勞萬卷蟠

送陳懷叔赴上臯酒官却還都下

奇才初試發硃刀，足馬秋風到上臯。
地近雖同三輔重，時平無復五陵豪。
極知穩步煙霄路，却要微知郡縣勞。
歸去平律首開燕吐，首應復忤西曹。

送任夷仲太監

往者江淮未撤兵，丹陽邂逅識耆英。
叩門偶綴諸公後，倒屣曾蒙一笑迎。
敢意癡頑成後死，相從髣髴若平生。
小詩話別初何有一段清愁伴擗聲。

書憤

白髮蕭蕭臥澤中，愁憑天地鑿孤忠。
阨窮蘇武餐羶久

憂憤張巡嚼齒空，細雨春燕上林苑。
頽垣夜月洛陽宮，壯心未與年俱老。
死去猶能作鬼雄。

鏡裏流年兩鬢殘，寸心自許尚如丹。
衰遲罷試戎衣窄，悲憤猶寶劔寒。
遠戍十年臨滴博，壯圖萬里戰臯蘭。
關河自古無窮事，誰料如今袖手看。

贈童道人蓋與予同甲子

吾儕之生乙巳，平達者寡。同比肩退士，一生藜藿食。
散人萬里江湖天，忍負不変我自許。
挾術自營君豈然，一事尚須煩布策。
幾時能具釣魚船。

贈徐相師

許負遺書果是、非子憑何處說精微使君豈必如柳大
丞相元來要飽肥袖闌日常籠短刺肩寒春未換單衣
半頭布袋挑詩卷也道遊京賣術歸

贈傳神水鑑

寫照今誰下筆親喜君分得臥雲身口中無齒難藏老
頰上加毛自有神誤遣汗青成國史未妨着句號山人
他時更欲求奇迹畫我溪頭把釣緡

後寓嘆

貂蟬未必出兜鍪要蒼鷹馬已下鞞彭澤竟歸端為酒
輕車已老豈須侯千年精衛心平海三月於菟氣食牛

會與高人期物外摩挲銅狄灞陵秋

初歸雜詠

雪滿漁蓑雨墊巾超然無處不清真胸中那可有一事
天下故應無兩人騎馬每行秋棧路喚船還渡暮江津
酒樓僧壁留詩遍八十年来自在身
齒豁童頭儘耐嘲即今爛飯用匙抄朱門謾設千杯酒
青壁寧無一把茅偶爾作官羞問馬頹然對客但稱狂
此時定向山中死不用磨錢擲卦文

龜堂獨坐遣悶

放逐還山八見春枯顛槁頂雪霜新大床不解除豪氣

凡眼安能識貴
人食有淖糜猶足飽
衣存短褐未全貧
北牕坐臥君無
笑拈起烏藤捷有神

遣興

莫笑龜堂磊砢
曾此中元可貯虛空尚饒靈運先成佛
那計辛毗不作
公來藥偶逢丹井客買蓑因過玉霄翁
不須更問歸何
許散髮飄然萬里風

書興

占得溪山下數
椽飽經世故氣猶全入門明月真堪友
滿榻清風不用
錢便死也勝千百輩少留更望二三年
湖橋酒美能來
醉一棹何妨作水仙

書志

平生憂患苦繁
纏菱刺磨成菱實圓天下不知誰
是
古來唯有醉差
賢過堂未悟鍾將釁睨柱誰知壁偶全
自笑為農行沒
世尚如鷺鴈落空絃

遣興

侯印從來非所
圖赤丁子亦不容呼着低怯對新棊敵
量減愁添舊酒
徒生世豈能常後
酣歌且復和鳴
扁舟到處皆吾
境莫問桐江與鏡湖
家住城南剡曲
傍門前山色蘸湖光三朝執戟悲年壯
二項扶犁樂歲
穰名姓已隨身共隱文辭終與道相忘

子孫勉守東臯業小覲吳稷底樣香

雜興

散髮林間萬事輕
夢魂安穩氣和平
只知秋菊有佳色
那問荒雞非惡
戶達士招呼同
嘯傲福人分付與功名
一篇說盡逍遙理
始信蒙莊是達生

嚴州贈姜梅山

故人玉骨已生苔
晉南晚與君遊亦采芣
湖寺繫舟無
夢去京塵馳騎有詩來
醉中不敢教兒誦
看處常須盥
手開彈壓風光
須健筆相期力幹萬鈞回

寄姜梅山雷字詩

章臺官柳映宮槐
寶馬蹄輕不動埃
只恠好詩無與
誰知古學有從來
江山常逐客帆遠
歲月不禁衙鼓催
剩約東林投淨社
狂高情千載友宗雷

病愈

倦榻呻吟每自哀
占著來吉出餘災
自能洗硯拂書几
時亦拚花尋酒杯
久類寒蛟潛岫穴
忽如老馬噴風埃
霜晴爛熳東窗日
一笑山坡訪早梅

小疰兩日而愈

病骨羸然山溪臞
故應行路笑形模
記書身大似椰子
忍事癩生如蠶
壺美酒得錢猶可致
高人拚簡孰能呼

不如淨掃茅之地臨看微香起瓦爐

陳白卿先生為兩浙轉運司考試官時秦丞

相之孫以右文殿脩撰來就試直欲首選阜

卿以予文卷擢置第一秦氏大怒予明年既

顯亦先生亦幾陷危機偶秦公薨遂已予晚

歲行理故書得先生手帖追感平昔作長句

以識其事不知哀涕之集也

冀北當年浩吳分斯人一顧每空群國家科第與風漢

天下英雄唯使君後進何人知大老橫流無地寄斯文

自憐衰鈍辜真賞猶竊虛名海內聞

雪夜感舊

江月亭前樺燭香龍門閣上馱聲長亂山古驛經三折

小市孤城宿兩當晚歲猶思事鞍馬當時那信老耕桑

綠沉金鑲俱塵委雪洒寒燈淚點行

憶昔

憶昔從戎出渭濱壺漿馬首泣遺民夜棲高冢占星象

晝上巢車望虜塵共道功名方迫逐豈知老病只逡巡

燈前撫卷空流涕何限人間失音人

夢蜀

夢飲成都好事家新粧執樂鴈行斜赭肩郫縣千筒酒

照眼彭州百馱花醉帽傾歌歌未小關哥觥激灑笑方譁
霜鍾喚覺晨窓白自恠無端一合差

湖上遇道翁乃峽中舊所識也

大罵長歌儘放顛時一語却如之然掃空百局無基敵
倒盡千鍾是酒仙巴峽相逢如昨日山陰重見亦前緣
細思合辱先生友五十年來不召天

贈道流

煙雲深處作生涯回首人間歲月餘留得朱顏憑綠酒
掃空白髮賴丹砂七絃指下冷之又及袖風中獵獵斜
他日相尋不知處會從漁父問桃花

渭南文集卷第四十九

渭南文集卷第五十

山陰陸游務觀著

五言絕句

題瑩上人剡溪畫

天地又秋風溪山憶剡中孤舟幸閑著借我訪支公

路傍曲二首

其一

冷飯雜沙礫短榻蒙霜露黃葉滿山郵行人跨驢去

其二

大道南北去車輪無停日彼豈皆竒才我獨飢至夕

早梅

東塢梅初動香來托意深明知在籬外行到却難尋

病中

半年不讀書顧影疑非我乃知百年中如此過亦可

採菊

秋花莫插鬢雖好亦淒涼採菊還按却空餘滿袖香

渭南文集卷第五十

渭南文集卷第五十一

小陰陸游務觀著

七言絕句

籌筆驛有武侯祠

運籌塵迹故依然想見旌旗駐道邊
一等人間管城子不堪樵叟作降牋

小雨極涼舟中熟睡至夕

舟中一雨掃飛蠅半脫綸巾臥翠藤
清夢初回愔日晚數聲柔櫓下巴陵自然足

冬夜聽雨戲作一首

少年交交盡豪英妙理時
得細評老去同參惟夜雨
焚香臥聽盡簾聲

遠檐點滴如琴筑支枕
幽齋聽始竒憶在錦城歌吹
海七年夜雨不曾知

寺樓月夜

海山縹渺玉真妃貪看水
柵不肯歸樓上三更風露冷
旋圍步障換羅衣此等亦非俗子能道

觀華嚴閣僧忘

拂劔當年氣吐虹
噴鳴坐覺朔庭空
早知壯士成瘞絕
悔不藏名萬衲中世間以恨句道盡可

讀書

面骨崢嶸鬢欲疎
退藏只合臥蝸廬
自嫌尚有人間意
射雉歸來夜讀書

雜詠二首

微風翻：芊葉白落日漠
：稻花香出門縱轡何所惜
萬里溪南追晚涼

世事盛衰誰得知
惠陵煙早掩柴扉
陵邊人家散竹裏
燈火呼喧迎婦歸

夜坐

大風橫吹斗柄折
迅雷下擊山石裂
放翁閉戶寂不聞

揚巖卷盡燈花結

文君井

落鳧西川泥酒盃
酬我度上琴臺
青鞋自笑無拘束
又向文君井畔來

記夢

烏巾白紵憶當年
抵死尋君不自憐
憔悴劒南双鬢改
夢中猶上暗門船

江上尋梅

小園風月不多寬
一樹梅花開未殘
剝啄敲門嫌特地
緩拖橫杖隔籬看
大有

看梅歸馬上

本爲梅花判獨飲
却嗔梅花消宿醒
日欲落時始上馬
青羊宮前聞發更

迎詔書

憶瞻鳶仗省門前
扇影鞭聲下九天
寂寞嘉州迎詔處
忽聞鼓吹却淒然

見螢

蜀州官居富水竹
四月螢火遶梁飛
添年怕人不相貸
客子倦遊何日歸

秋夜池上作

短鬢颯々病骨輕臨池開看露荷傾月明何與浮雲事
正向圓時故、生好

花時遍遊諸園

為愛名花抵死狂只愁風日損紅芳綠章夜奏通明殿
乞借春陰護海棠往得有埋

又

翩々馬上帽簷斜盡日尋春不到家偏愛張園好風景

半天高柳臥溪花花臥柳臥邪語自可盡

春晚感事

寒食梁州十萬家秋千蹴踘出豪華攢車輕轆歸城晚

爭碾平蕪入亂花

梅

一花兩花春信回南枝北枝風且作爛熳却愁零落盡

丁寧且莫十分開

沉園

城上斜陽盡角哀沈園非復舊池臺傷心橋下春波綠
曾是驚鴻照影來

又

夢斷香消四十年沈園柳老不吹綿此身行作稽山土
猶吊遺蹤一泫然

白樂天詩倦倚繡床愁不動緩垂綠鬢髮
低遼陽春盡無消息夜合花開日又西好事
者畫為倦繡圖以花以五六月間開山中者
殊不貴之

王室東遷歲月賒兩京漠漠暗胡沙繡床倦倚人何在
風雨漫山夜合花

鷓鴣

雪衣飛去莫匆小往灘頭伴釣蓬禹廟蘭亭三十里
相逢多在暮煙中

湖村月夕

客路風塵化素衣閑愁并鬢成絲平生不負月明處
神女廟前聞竹枝

軍中雜歌

名王金冠玉蝶踈面縛蠹下声吟藁術未遽要汝首
賣與酒家鉗作奴

又

漁陽女兒美如花春風樓上學琵琶如今便死知無恨
不屬番家屬漢家

又

北庭荒秋草枯正東萬里是皇都征人樓上看太白

思婦城南迎紫姑

無題

碧玉當年未破瓜，學成歌舞入侯家。如今憔悴蓬牕底，飛去青天妬落花。

看梅二首

梅花樹下黃菊丘，古人尚能愛花不月淡煙深橫牧笛。死生常自不須愁，沉絕滿連警絕今古。

荒陂十畝浴鳧鴨，折葉枯蒲寒意深。何處得船滿載酒，醉時繫著古梅林。

次韻魯山新居

短牆缺處插疎籬，巷劣容車堂對陂。天下有公殊可賀，坐中著我不妨奇。橫姿自好

宿楓橋

七年未到楓橋寺，客枕依然半夜鍾。風日未須輕感慨，巴山此去尚千重。

重陽

照山丹葉一林霜，折得菊花更斷腸。商畧此時須痛飲，細腰宮畔過重陽。

霽夜觀月

雲重真愁無散時，可憐不柰夜風吹。殘暉如此那休得

誰誤虛空作許癡

仙魚鋪得仲高書

病酒今朝載臥輿秋雲濛濛雨疎、閩州城北鮮魚鋪
忽得山陰萬里書

追憶征西幙中事

憶昨王師戍隴回遺民日夜望行臺不論夾道壺漿滿
洛筆何勳次第來

夢中作

大慶橋頭春雨晴行人馬上聽鶯聲祥符西祀曾迎駕
惆悵無人說太平

天竺曉行

三笳聽徹五更鍾三竺穿窮九里松無復官樓沽美酒
但煩湖水照衰容

示兒

老去元知萬事空但悲不見九州同王師北定中原日
家祭毋忘告廼翁

吳娃曲

友有妾而內不容
為作此目得不去

戲

滿地花陰不閉門琵琶抱恨立黃昏
妾身不似天邊月
此夜此時重見君

又

忘憂石榴深殘紅草花紅紫亦成替
明年開時不望見
只望郎君不着儂

二月鏡湖水拍天禹王朝下闔龍加
龍船年々相似好
人自今年異去年

臂上燒香拜佛前願郎安穩過新年
多情已是長多病
莫要留心在妾邊

過江至蕭山縣驛東軒
棠已謝
星々兩鬢怯生華函館無人江月
惆悵過江留一夕

晚風吹盡海棠花

感舊

南市夜々上元燈西郊日々是清明
青犢犢車碾花去
黃金馬鞭穿柳行

半紅半白官池蓮半醒半醉女郎紅
鴛鴦驚起何曾管
折得雙頭喜欲顛

美人傳酒清夜闌欲歌未歌愁滿山
蒲萄一斗元無價
換得梁州也是閑

過杜浦橋

橋外波如鴨頭綠
杯中酒作鵝兒黃
山茶花下醉初醒
却過西村看夕陽

舟中感懷呈大傅相公
簡岳大用郎中

雨打孤篷酒漸消
昏燈與我共無聊
功名本是無憑事
不及寒江日兩潮

黃金酒肆又

夢筆亭邊擁鼻吟
壯圖蹭蹬老侵尋
不眠數尺鷄三唱
自笑當年起舞心

飲張功父園戲題扇上

寒食清明數日中
西園未有事又匆
梅花自避新桃李
不爲高樓一笛風

春晚

一百五日春郊行
三十六溪春水生
千秋觀裏逢急雨
射的風前看晚晴

即事

組繡紛紜衛女工
詩家於此欲途窮
語君白日飛昇法
正在焚香聽雨中

園中

梅花重壓帽蒼偏
曳杖行歌意欲仙
後五百年君記取

斷無人似放翁顛

冬夜聞角聲

嬾：青笳入雪雲白頭老守臥中軍自怜到老懷遺恨
不向居延塞外聞

何家客亭

梅子生仁燕護雛繞簷新葉綠疎：朝來酒興不可柰
買到釣船双鰕魚

荔枝樓小酌

病與愁兼怯酒船已歌聞罷更凄然此身未死長為客
回首夔州又二年

老洞君 明皇世蜀見老君於此

丹鳳樓頭語終崿嶇蜀道更相逢太清宮闕皆煨燼
亦南來避賊鋒

仙遊閣

張公一去二百載傑閣依然橫靄中徙倚看碑仍看畫
時聞栢子落秋風

采蓮

蘸水朱扉不上閑采蓮小舫夜深還一尊何處無風月
自是人生苦欠閑

平陽驛舍梅花

江路輕陰未成雨，梅花欲過半沾泥。遠來不負東皇意，一絕清詩手自題。

看山

小葺茅茨紫翠間，今年偷得半年閑。門前木落須霜曉，且看西南一角山。

戲題

走馬平欺刺繡坡，放船橫截亂絲渦。從來倚箇心平穩，遇險方知得力多。

青村寺

十年淹泊望脩門，臨水登山幾斷魂。短鬢星星身欲老，

小樓明月宿青村

題畫燕

一雙掠水燕來初，萬點飛花杜雨餘。辛苦成巢君勿笑，從來吾亦愛吾廬。

叙州三絕

畫船衝雨入戎州，縹緲山橫杜若洲。休信時平邊堠靜，傳烽夜到西樓。

文章何罪觸雷霆，風雨南溪自醉醒。八十年間遺老盡，壞堂無壁草青青。

楚旆吳檣又遠遊，浣花行樂夢西州。千尋鐵鎖還堪恨，

空鎖長江不鎖愁

龍興寺弔少陵先生寓居

中原草、失承平、戍火胡塵到兩京、
危蹕老臣身萬里、天寒來、吹聽江聲

過靈石三峯二首

奇峰迎馬駭衰翁、蜀嶺吳山一洗空、
拔地青蒼五千仞、勞渠蟠屈小詩中

曉日曛龍雪未殘、三峯傑立插雲間、
老夫合是征西將、曾次先收一華山

歸州重五

屈平祠在州東南五里歸鄉蓋平所居

聞舸紅旗滿急湍、船旆睡起亦開看、
屈平鄉國逢重五、不比常年角黍盤

屈平廟

委命仇讎事可知、章華荆棘國八悲、
恨公無壽如金石、不見秦嬰繫頸時

楚城

江上荒城猿鳥悲、隔江便是屈原祠、
一千五百年間事、只有灘吉是舊時

別建安

三十年來雲水僧常挑鉢袋繫行藤信緣不作癡窠屈
即是吾家無盡燈

小園

小園煙草接隣家桑柘陰、一徑斜臥讀陶詩未終卷
又乘微雨去鋤瓜

湖上今歲遊人頗盛戲作二首

畫船鼓吹載涼州不到三更枉出遊忽有歌聲出雲漢
誰家開宴小紅樓

臺府官醅歲、新蘭亭春勝景湖春三山小甕雖堪笑
也向湖邊作醉人

雜感二首

百年鼎鼎成何事寒暑相催即白頭縱得金丹真不死
摩挲銅狄更添愁

世間魚鳥各飛沉茅屋青山無古今畢竟替他愁不得
幾人虛費一生心

劔南道中遇微雨

衣上征塵雜酒痕遠近無處不銷魂此身合是詩人未
細雨騎驢入劔門

三峽歌五首

神女廟堂秋月明黃牛峽裏暮猿聲危塗性命不容惜

百又牽船侵夜行

十二巫山見九峯船頭彩翠滿秋空朝雲暮雨常虛語

一夜猿啼明月中

亂挿山花簪子紅蛮歌相和讓西東忽然四散不知處

蹋月捫蘿歸峒中

萬州溪西花柳多四鄰相應竹枝歌問君今夕不痛飲

此滿船明月何

我遊南賓春暮時蜀船曾繫掛猿枝雲迷江岸屈原

化落空山夏禹祠

春日絕句

怕見公卿嬾入城野橋孤店跨驢行天工遣足看山頽

白盡髭鬚却眼明

閑中自詠

小艇上時皆綠水短筇到處即青山二十四考中書令

不換先生半日閑

讀經

藜羹粟飯養殘軀晨起衣冠讀典謨莫謂書生無用處

一身自是一唐虞

梅花絕句

聞道梅花拆曉風雪堆遍滿四山中何方可化身千億

一樹梅花一放翁

雜興

一身逋負愁賒酒滿眼
閑山海上樓子細推來
惟合睡五更風雨已知秋

聞鳥声有感

流年冉冉去無情
日夜溪頭布穀声
城郭雖存人換盡
令威應悔學長生

七月十四夜觀月

不復微雲滓太清
浩然風露欲三更
開簾一寄平生快
萬頃空江著月明

巴東遇小雨

暫借清溪泮釣翁
沙邊微雨濕孤蓬
從今詩在巴東縣
不屬灞橋風雪中

雪後尋梅二首

雪裏芬芳亦偶然
世人便謂占春先
剛飽知桃李俗到骨
何至與渠爭着鞭

竹籬曲水邊
村月澹霜清
欲糝玉肌無粟立
黃昏魂商略前身是
飛燕

庚子正月十八日送梅一首

滿城桃李爭春色
不許梅花不成雪
世間尤物無盛衰

萬點紫風正奇絕

我行柯山眠酒家初見牕前三四
花恨無壯士挽斗柄
坐令東指催羊華

采蓮

雲散青天掛玉鉤石城艇子近新
秋風鬟霧鬢歸來晚
忘却荷花記得愁

建安遣興三首

建安酒薄客愁濃除却哦詩事
不許今年頭不白
城樓殘角寺樓鍾

錦城重到歎無期忽憶書臺步
月時白浪黏天蛟鱗橫
綠沉金鑠少時狂幾過秋風古戰
場夢裏都忘閩嶠遠
萬人鼓吹入平涼

排悶絕句三首

夢中識路亦何爲
四十從軍渭水邊功名無命氣猶
全白頭爛醉東吳市
自拔長刀割鬣有

西塞山前吹笛声曲終已過洛陽
城君能洗盡世間念
何處樓臺無月明

風霜九月冷颼颼湖海飄然一布
裘親見處義欲畫卦
轉頭三十萬春秋

晚興

一聲天邊斷鴈哀
數葉籬畔早霜
開幽人耐冷倚門久
送月墮湖歸去來

欲出遇雨

東風吹雨惱遊人
滿路新泥換細塵
花睡柳眠春自懶
誰知我更懶於春

示子聿絕句

儒林早歲竊虛名
白首何曾負短檠
堪歎一衰今至此
夢回聞汝讀書聲

初夏絕句

紛紛紅紫已成塵
布穀聲中夏令新
夾路桑麻行不盡
始知身是太平人

小舟遊近村三首

數家茅屋自成村
地碓聲中晝掩門
寒日欲沉蒼霧合
人間隨處有桃源

不識如何喚作愁
東阡西陌且閑遊
兒童共道先生醉
折得黃花插滿頭
斜陽古柳趙家莊
負鼓盲翁正作腸
死後是非誰管得
滿村聽說蔡中郎

一壺歌

長安市上醉春風
亂落繁花滿帽紅
看盡人間興廢事
不曾富貴不曾窮

觀梅至花徑
高端叔解元見尋
春暖山中雪作堆
放翁艇子出尋梅
不須問訊道傍叟
但覓梅花多處來

雜題二首

其一

松昉釀酒石根醉
槲葉作衣雲外行
指點人間一長歎
秋風又到洛陽城

其二

黍熟新壓野鷄肥
茅店剛歌送落暉
人道山僧最無事
伶渠猶趁暮鍾歸

雪中忽起從戎之興作二首

其一

狐裘卧載錦駝車
酒醒冰鬣結亂珠
三尺馬鞭裝白玉
雪中畫字草軍書

其二

十萬貔貅出羽林
橫空殺氣結層陰
桑乾沙土初飛雪
未到幽州一丈深

伏錫平老自都城
回見訪索怡雲堂詩因賦三

首

其一

東華軟塵飛撲頭黃金浴馬人
看好渠儂曾中誰得知
畏禍憂謀鬢先老

其二

舉世輸與平老行青山
雲過一生出門曳杖便千里
白雲不約常同行

其三

敲門剥豕雲滿屨劇談去
竟還東去到山分我一斤雲
并遣春風吹好句

渭南文集卷第五十一

渭南文集卷第五十二

山陰陸游務觀著

蘇詞

赤壁詞

招鄂無咎遊金山

禁門鍾曉憶君來朝
路初翔鸞鵠西府中
臺推獨步行對金蓮
宮燭感繡華鞦仙葩
寶帶看即飛騰速人
生難料一尊此地相
屬回首紫陌青西湖
閑院鎖千梢脩竹素
壁棲鴉應好在殘夢
不堪重續歲月驚心
功名看鏡短鬢無多
綠一歡休惜與君同
醉浮玉

浣沙溪 和無咎韻

嬾向沙頭醉玉瓶
喚君同賞小窓明
夕陽吹角最關情
忙日苦多閑日少
新愁常續舊愁生
客中無伴怕君行
其二南鄭席上

浴罷華清第二湯
紅絲撲粉玉肌涼
娉婷初試藕絲裳
鳳尺裁成猩血色
螭奩熏透麝臍香
水亭幽處捧霞觴

青玉案與宋景參北嶺

西風挾雨聲翻浪
恰洗盡黃茅瘴
老慣人間齊得喪
千巖高臥五湖歸
棹替却凌煙像
故人小駐平戎帳
白羽腰間氣何壯
我老漁樵君將相
小槽紅酒晚香丹荔記
取蠶江上

水調歌頭多景樓

江左占形勝
最數古徐州
連山如畫
佳趣縹渺著危樓
鼓角臨風悲壯
烽火迷空明
滅往事憶孫劉
千里矚戈甲
萬竈宿貔貅
露霑草風落木
歲方秋
使君宏放
談笑洗盡古今愁
不見襄陽登覽
磨滅遊人無數
遺恨黯難收
叔子獨千載
名與漢江流

浪淘沙舟次浮玉停南上作

綠樹暗長亭
幾把離尊
陽關常恨不堪聞
何況今朝秋色裏
身是行人清淚危羅巾
各自消魂
一江離恨恰平分
得千尋橫鐵鎖
截新煙津

定風波 進賢道上見梅贈王伯壽

歌帽垂鞭送客回，小橋流水一枝梅。衰病逢春都不記，
謂幽香却解逐人來。女得身閑頻置酒，携手與君看到
十分開。少壯相從今一當鬢，因甚流年羈恨兩相催。

南鄉子

歸夢寄吳檣，水驛江程去路長。想見芳洲初繫纜，斜陽
煙樹參差，認武昌愁鬢，點新霜。曾是朝衣染御香，重到
故鄉交舊少，淒涼却恐它鄉勝故鄉。

其二

早歲入皇州，鐔酒相逢盡勝流。三十年來真一夢，堪愁
客路蕭蕭，兩鬢秋蓬嶠，偶重遊。不待人嘲我自羞。看鏡
倚樓俱已矣，扁舟月笛煙蓑萬事休。

滿江紅

危堞朱欄，登覽處、一江秋色。人正似、征鴻社燕，幾番輕
別。繾綣難忘當日語，淒涼又作它鄉客。問鬢邊、都有幾
多絲，真堪織。楊柳院，秋千陌。無恨事成虛。擲如今何處
也。夢魂難首，金鴨微溫，香縹渺。錦茵初展，情蕭瑟。料也
應紅淚，伴秋霖、燈前滴。

其二 夔州催三伯禮侍御尋梅之集

疎蕊幽香，冰示不過晚寒。愁絕那更是巴東。江上楚山千

疊歌帽閑尋。西瀼路鞦韆笑向南枝。說恐使君歸去。鑿
坡孤風月清鏡裏悲華髮山驛外溪橋側悽然回首處
鳳凰城闕憔悴如今誰領略飄零已是無顏色問行厨
何日喚賓僚猶堪折

感皇恩 伯理立春日生日

春色到人間綵幡初戴正好春盤細生菜一般日月只
有仙家偏耐雪霜從點鬢朱顏在溫詔鼎來迓英催
對鳳閣鸞臺看除拜對衣裁穩恰稱毬紋新帶箇時方
旋了功名債

其二

小閣倚秋空下臨江渚漠漠孤雲未成雨數聲新鴈回
首杜陵何處壯心空萬里人誰許黃閣紫樞築壇開府
莫怕功名欠人做如今熟計只有故鄉歸路石帆山脚
菱三畝

好事近 寄張真甫

羈鴈未成歸腸斷寶箏零落那更凍醪無力似故人情
雲鬢雨暗孤城身在楚山角煩問劔南消息怕還成
踈索

其二

風露九霄寒侍宴玉華宮闕親向紫皇香案見金芝千

葉碧壺仙
露醞初成香味兩奇絕
醉後却騎丹鳳看蓬萊春色

其三 次宇文卷日韻

客路苦思歸
愁似蠶絲千緒
夢裏鏡湖煙雨看山無重
數尊前消盡少年狂慵著
送春語花落燕飛庭戶歎年
光如許

其四

歲晚喜東歸
掃盡市朝陳迹
揀得亂山還處釣一潭澄
碧
賣魚沽酒醉還醒
心事赴橫笛
家在萬重雲外有
沙鷗相識

其五

華表又千年
誰記駕雲孤鶴
回首舊曾遊處
但山川城郭
紛、車馬滿人間
塵土
汗芒屨且訪葛仙丹
看巖花開落

其六

揮袖別人間
飛躡峭崖蒼壁
尋見古仙丹竈
有白雲成積
心如潭水靜無風
一坐數千息
夜半忽驚奇事看
鯨波曝日

其七

湓口放船歸
薄暮散花洲宿
兩岸白蘋紅蓼映一蓑新

綠。有沽酒處便為家。菱芡四時足。明日又乘風去。任
江南江北。

其八 登梅仙山絕頂望海

揮袖上西峯。孤絕去天無尺。柱杖下臨鯨海。數煙帆歷
歷。貪看雲氣舞青鸞。歸路已將夕。多謝半山松吹解
愁。慙留客。

其九

小倦帶餘醒。澹。數櫺斜日。驅退睡魔。十萬有雙龍。蒼
壁。少年莫笑老人衰。風味似平昔。扶杖凍雲深處探
溪梅消息。

其十

覓箇有緣人。分付玉壺靈藥。誰向市塵深處。識遼天孤
鶴。月中吹笛下巴陵。條華赴前約。今古廢興何限。歎
山川如昨。

其十一

平旦出秦關。雪色駕車。雙鹿借問此行安。往賞清伊脩
竹。漢家宮殿劫灰中。春草十幾回綠。君看變遷如許。况
紛紛榮辱。

其十二

秋曉上蓮峯。高躡倚天青壁。誰與放翁為伴。有天壇輕

策 鏗然忽變赤龍飛雷雨 四山黑談笑做成豐歲笑
禪龕柳栗

鷓鴣天

家住東吳近帝鄉 平生豪舉少年場 十千沽酒青樓上
百萬呼盧錦瑟傍 身易老 恨難忘 尊前贏得是淒涼 君
歸為報京華舊 一事無成兩鬢霜

其二 葭萌驛作

看盡巴山看蜀山 子規江上過春殘 慣眠古驛常安枕
熟聽陽關不慘顏 慵服氣 嬾燒丹 不妨青鬢戲人間
秘傳一字神仙訣 說與君知只是頑

其三

梳髮金盤剩一窩 盡眉鵲鏡暈雙蛾 人間何處無春到
只有伊家獨占多 微步處 柰嬌何 春衫初換麴塵羅
東隣鬪草歸來晚 忘却新傳子夜歌

其四

家住蒼煙落照間 絲毫塵事不相關 斟殘玉瀝行穿竹
卷罷黃庭臥看山 貪嘯傲 任衰殘 不妨隨處一開顏
元知造物心腸別 老却英雄似等閑

其五

挿脚紅塵已是顛 更求平地上青天 新來有箇生涯別

買斷煙波不用錢。沽酒市採麥船。醉聽風雨擁蓑眠。
三山老子真堪笑。見事遲來四十年。

其六

嬾向青門學種瓜。只將漁釣送年華。雙新燕飛春岸片。
片輕鷗落晚沙。歌縹渺。觴嘔啞。酒如清露鮮如花。逢
人問道歸何處。笑指船兒此是家。

其七 薛公肅家席上作

南浦舟中兩玉人。誰知重見楚江濱。憑教後苑紅牙版。
引上西川綠錦茵。終淺笑。却輕嚔。淡黃楊柳又催春。
情知言語難傳恨。不似琵琶道得真。

驀山溪 送伯禮

元戎十乘出次高唐館。歸去舊鷓行。更何人。齊飛霄漢。
瞿唐水落。惟是淚波深。催疊鼓。起牙樯。難鏢長江斷。
春深鬢禁紅。日宮輒暖。何處望音塵。黯消魂。層城飛觀。
人情見慣。不敢恨相忘。梅驛外。蓼灘邊。只待除書看。

又 遊三茱龍洞

窮山孤疊臘盡春。初破寥寞掩空齋。好一箇無聊底我。
囁臺龍岫。隨分有雲山。臨淺瀨。陰長松。闕據胡床坐。
三杯徑醉。不覺紗巾墮。畫角喚人歸。落梅村。藍輿夜過。
城門漸近。幾點妓衣紅。官驛外。酒壚前。也有閑燈火。

木蘭花 立春日作

三年流落巴山道，破盡青衫塵滿帽。身如西瀼渡頭雲，
愁抵瞿唐閣上草。春盤春酒年年好，試戴銀幡判醉
倒。今朝一歲大家添，不是人間偏我老。

朝中措梅

幽姿不入少年場，無語只淒涼。一箇飄零身世，十分冷
淡心腸。江頭月底，新詩舊夢，孤恨清香。任是春風不
管，也曾先識東皇。

其二 代譚得稱作

怕歌愁舞嬾逢迎，粧晚託春醒。總是向人深處，當時枉
道無情。關心近日，啼紅密訴，剪綠深盟。杏館花陰恨
淺，畫堂銀燭嫌明。

其三

夔三儼鼓餞，流年燭焰動金船。綵燕難尋前夢，酥花空
點春妍。文園謝病，蘭成久旅，回首淒然。明月梅山笛
夜和風，禹廟鶯天。

臨江仙 離果州作

鴛雨催成新綠，燕泥收盡殘紅。春光還與美人同。論心
空眷分袂，却匆匆。只道真情易寫，那知怨句難工。
水流雲散各西東。半廊花院月，一帽柳橋風。

蝶戀花 離小益作

陌上蕭聲寒食近
雨過寒林花亂
浮芳潤千里斜陽鐘
欲暝憑高望
斷南樓信
海角天涯行路盡
三十年間
無處無遺恨
天若有情終欲問
忍教霜點相思鬢

其二

桐葉晨飄蛩夜語
旅思秋光黯
長安路忽記橫戈盤
馬處散關情渭應如故
江海輕舟今已具
一卷兵書
歎息無人付
早信此生終不遇
當年悔草長楊賦

其三

水漾萍根風捲絮
倩笑嬌嬾
忍記逢迎處
只有夢魂能
共遇堪嗟
夢不由人做
夢若由人何處去
短帽輕衫
夜、眉州路
不怕銀缸深繡戶
只愁風斷青衣渡

釵頭鳳

紅酥手黃滕酒滿城春色宮牆
柳東風惡歡情薄一懷
愁緒幾年離索錯、春如舊
人空瘦淚痕紅浥蛟綃
透桃花落閑池閣
山盟雖在錦書難託
莫莫莫

清商怨 葭萌驛作

江頭日暮痛飲乍雪晴猶凜
山驛凄凉燈昏人獨寢
鴛鴦新寄斷錦
歎往事不堪重省
夢破南樓綠雲堆一
梳

水龍吟 榮南作

樽前花底尋春處，堪歎心情全減。一身萍寄，酒徒雲散，佳入天遠。那更今年瘴煙蠻雨，夜郎江畔。漫倚樓橫笛，臨牕看鏡時，揮涕驚流轉。花落月明，庭院悄無言魂。消腸斷，憑肩携手，當時曾效畫。染栖燕見說新來，網索塵暗，舞衫歌扇，料也羞憔悴。慵行芳徑，怕啼鶯見。

秋波媚

七月十六日晚登高山與亭望長安南

秋到邊城角，聲哀烽火照。高臺悲歌擊筑，憑高酹酒，興悠哉。多情誰似南山月，特地暮雲開。灞江煙柳曲，江池館雁待，人來。

其二

曾散天花藥珠宮，一念墮塵中。鈿華洗盡，珠璣不御，道骨仙風。東遊我醉騎鯨去，君駕素鸞從。垂虹看月天，台采藥，更與誰同。

采桑子

寶釵樓上粧梳晚，嬾上鞦韆。閑撥沉煙，金縷衣寬，睡髻偏。鱗鴻不寄遼東信，又是經年。彈淚花前，愁入春風十四弦。

卜筭子 詠梅

驛外斷橋邊，寂寞關無主。已是黃昏獨自愁，更著風和

雨無意苦爭春一任羣芳如零落成泥碾作塵只有
香如故

沁園春 三榮橫溪閣小宴

粉破梅梢綠動萱叢春意已深漸珠簾低卷筇枝微步
冰開躍鯉林暖鳴禽荔子扶踈竹枝哀怨濁酒一尊和
淚斟憑欄久歎山川冉冉歲月駸駸 當時豈料如今
漫一事無成霜鬢侵看故人強半沙堤黃閣魚懸帶玉
貂映蟬金許國雖堅朝天無路萬里淒涼誰寄音東風
裏有灞橋烟柳知我歸心

其二

一別秦樓轉眼新春又近放燈憶盈、倩笑纖、柔握
玉香花語雪暖酥凝念遠愁腸傷春病思自任平生珠
未曾君知否漸香消蜀錦淚漬吳綾 難愁繫日長繩
况倦客飄零少舊明但江郊鴈起漁村笛怨寒缸委燼
孤硯生水水繞山園煙昏雲慘縱有高臺常怯登消魂
處是魚笺不到蘭夢無憑

其三

孤鶴歸飛再過遼天換盡舊人念纍、枯冢茫、夢境
王侯蝼螻畢竟成塵載酒園林尋花巷陌當日何曾輕
負春流年改歎園腰帶剩點鬢霜新 交親散落如雲

又豈料如今餘此身幸眼明身健茶甘飯軟非惟我老
更有人貧朶盡危樾消殘壯志短艇湖中閑采蓴吾何
恨有漁翁共醉谿友為隣

憶秦娥

玉花驄晚街金轡聲璁璫聲璁璫閑歌烏帽又過城東
富春巷陌花重二千金沽酒酬春風酬春風笙歌園裏
錦繡叢中

漢宮春

張園賞海棠作園故
蜀燕王宮也

浪迹人間喜聞猿楚峽學劍奈川虛舟沉然不繫萬里
江天朱顏綠鬢作紅塵無事神仙何妨在鶯花海裏行

歌闌送流年

休笑放慵狂眼着閑坊深院多少嬋娟

燕宮海棠夜宴花覆金船如掾畫燭酒闌時百炬吹煙
憑寄語京華侶幅巾莫換貂蟬

其二初自南鄭來成都作

羽箭雕弓憶呼鷹古壘截平川吹笳暮歸野帳雪壓
青瑣淋漓醉墨看龍蛇飛逐蠻牋人誤許詩情將略一
時才氣超然何事又作南來看重陽葉市元夕燈山
花時萬人樂處歌枕垂鞭聞歌感舊尚時一流涕尊前
君記取封侯事在功名不任由天

月上海棠

成都

城南

南有蜀王舊苑多梅

斜陽廢死朱門閉，吊興亡，清恨淚痕裏，淡淡宮梅也依然。點酥剪水，凝愁處，似憶官華舊事。行人別有淒涼意，折幽香，誰與寄千里。佇立江皋，杳難逢隴頭歸騎。音塵遠，楚天危樓獨倚。宣華殿蜀苑名

其二

蘭房綉戶厭，病歎春醒和悶甚。時醒燕子空歸，幾時傳玉闌邊信。傷心處，獨展團窠瑞錦。熏籠消渴，況烟冷淚痕深。展轉看花影，漫掩餘香，怎禁他峭寒孤枕。西窓曉，幾聲銀瓶玉井。

烏夜啼

金鴨餘香尚暖，綠窓斜日偏明。蘭膏香染雲鬟膩，釵墜滑無聲。冷落鞦韆伴侶，闌珊打馬心情。綉屏驚斷瀟湘夢，花外一聲鶯。

其二

簷角楠陰轉日，樓前荔子吹花。鷓鴣聲裏天晚，疊鼓催衙。鄉夢時來枕上，京書不到天涯。邦人訟少文移省，閑院自煎茶。

其三

我按丹臺玉宇，君書藥殿雲篇。錦官重裏重相遇，心事相依然。携酒何妨處，尋梅共約年。細思上界多

宮府且作地行仙

其四

世事從來慣吾生更欲何之鏡湖西畔秋千頃鷗鷺共
忘棧一枕蘋風午醉二升菰米晨炊故人莫訝音書
絕釣侶是新知

其五

素意幽棲物外塵緣浪走天涯歸來猶幸身強健隨分
作山家已趁餘寒泥酒還乘小雨移花柴門盡日無
人到一徑傍谿斜

其六

園館青林翠撼衣巾細葛輕紈好風吹散霏微雨沙路
喜新乾小燕雙飛水際流鶯百轉林端投壺声断彈
罷閑展道書看

其七

後窰元知漫浪還家更覓清真蘭亭道上多脩竹隨處
岸綸巾泉例偏宜雪茗杭香雅稱絲尊翛然一飽西
窓天地有閑人

其八

紈扇嬋娟素月紗巾縹渺輕烟高槐葉長陰初合清潤
雨餘天弄筆斜行小草鈎簾淺醉高眠更無一點塵

埃到枕上聽新蟬

真珠簾

山村水館參差路感羈遊正以殘春風絮掠地穿簾如是竟歸何處鏡裏新霜空自憫問幾時寫臺鼇署遲暮謾憑高懷遠書空獨語自古儒冠多誤悔當年早不扁舟歸去醉下白蘋洲看夕陽鷗鷺孤菜鱸魚都棄了只換得青衫塵土休顧早收身江上一蓑煙雨

好事近

混迹寄人閒夜盡樓銀燭誰見五雲丹竈養黃芽初熟春風歸從紫皇遊東海宴暘谷進罷碧桃花賦賜

三塵千斛

柳梢青故蜀燕王宮海棠之盛為成都第一

錦里繁華環宮故邸疊萼奇花俊客妖姬爭飛金勒齊駐香車何須幙障悻遮寶杯浸紅雲瑞霞銀燭先中清歌聲裏休恨天涯

其二 乙巳二月西典

十載江湖行歌沽酒不到京華底事翩然長亭煙草衰鬢風沙憑高目斷天涯細雨外樓臺萬家只恐明朝一時不見人共梅花

夜沈宮記夢寄師伯渾

雪曉清笳亂却，夢遊處不知何地。鐵騎無聲望似水，想
關河、鴈門西青海際。睡覺寒燈裏，漏聲斷、月斜窓紙。
自許封侯在萬里，有誰知鬢雖殘、心未死。

其二 宮詞

獨夜寒侵翠被，奈幽夢不成。還起欲寫新愁，淚濺紙、憶
承恩、歎餘生今至此。歎：燈花墜，問此際、報人何事。
咫尺長門，過萬里，恨君心似危欄難久倚。

安公子

風雨初經社，子規聲裏春光謝。最是無情零落盡，薔薇
一架。況我今年憔悴，幽窓下、人盡怪詩酒消聲價。向華

爐經卷，忘却鶯牕柳謝。萬事收心也，粉痕猶在香羅
帕。恨月愁花，爭信道如今都罷。空憶前身，便面章臺馬。
因自來、禁得心腸，怕縱遇歌逢雨，但說京都舊話。

玉胡蝶

王忠州家席上作

倦客平生行處，墜鞭京洛，解佩瀟湘。以夕何年，來賦宋
玉高堂。綉簾開、香塵乍起，蓮步穩、銀燭分行。暗端相、燕
羞鶯妬，蝶遶蜂忙。難忘芳樽頻勸，峭寒新退，玉漏猶
長。幾許幽情，只愁歌罷月侵廊。欲歸時、司空笑問，微近
慶丞相。嗔狂斷人腸。假饒相送上司，何妨

木蘭花慢

夜登青城山玉華樓

閱邨鄆夢境歎綠鬢早霜侵
柰華岳燒丹青谿看鶴尚
負初心年來向濁世裏悟真
詮祕訣絕幽深養就金芝
九畹種成琪樹千林
星壇夜學步虛吟露冷透瑤簪
對翠鳳坡雲青鸞湖月宮闕
蕭森琅函一封奏罷自釣
天帝所有知音却過蓬壺隳
傲世間歲月駸

蘇武慢唐西安湖

澹靄空濛輕陰清潤綺陌細
塵初靜平橋繫馬畫閣移
舟湖水倒空始鏡掠岸飛花
傍簷新燕都是學人未定
歎連年戎帳輕春邊壘暗凋
顏鬢空記憶杜曲池臺
新豐歌管怎得故人音信羈
懷易感老伴無多談塵久

閑屏柄惟有脩然筆床茶竈
自適荀興煙艇待綠荷遮
岸紅浮水更乘幽興

齊天樂左縣道中

角殘鍾晚閑山路行人乍依
孤店塞月征塵鞭絲帽影
常把流年虛占葺鴉柳暗歎
輕負鶯花謾勞書劔事往
閑情悄然頻動壯遊念
孤懷誰與強遣市壚沽酒酒
薄怎當愁釀倚瑟妍詞調鈿
妙筆那寫柔情芳艷征途
自厭况煙斂蕪痕雨稀萍點
最是眠時枕寒門半掩

其二三榮人日遊龍洞作

客中隨處閑消悶來尋嘯臺
龍岫路斂春泥山開翠霧

行樂年年依舊天工妙手放輕綠萱牙淡黃楊柳笑問
東君為人能染鬢絲否西州催去近也帽簷風軟且
看市樓沽酒宛轉巴歌淒涼塞管携客何妨頻奏征塵
暗袖漫禁得梅花伴人踈瘦幾月東歸盡船平放溜

望梅

壽非金石恨天教老向水程山驛似夢來到南柯這些
子陰更堪輕擲戍火邊塵又過了一年春色歎名姬
駿馬盡付杜陵苑路豪客長繩漫勞繫日看人間悅
仰俱是陳迹縱自倚英氣凌雲柰回盡鵬程鏃殘鷲翻
終日憑高誚不見江東消息算沙邊也有斷鴻倩誰問

得

洞庭春色

壯歲文章暮年勲業自昔誤入筭英雄成敗軒裳得失
難如人意空喪天真請看邯鄲當日夢待炊罷黃梁徐
欠伸方知道許多時富貴何處關身人間定無可意
怎換得玉繪絲尊且釣竿漁艇筆床茶竈閑聽荷雨一
洗衣塵去洛水秦關千古後尚棘暗銅駝空愴神何須更
募封侯定遠圖像麒麟

漁家傲 寄仲高

東望山陰何處是往來一萬三千里寫得家書空滿紙

流清淚書回已是明年事 寄語紅橋橋下水扁舟何
日尋兄弟徧天涯真老矣愁無寐鬢絲幾縷茶煙裏

繡停針

歎半紀跨萬里秦吳頓覺衰謝回首鷓鴣行英俊並遊咫
尺玉堂金馬氣凌嵩華負壯略縱橫王霸夢經洛浦梁
園覺來淚流如瀉 山林定去也却自恐說著少年時
話靜院焚香閑倚素屏今古總成虛假趁時婚嫁幸自
有湖邊茅舍燕歸應笑客中又還過社

桃源憶古人并序

三榮郡治之西因子城作樓觀曰高齋下臨山

村蕭然如世外予留之十日被命參成都戎候
而去臨行徙倚竟日作桃源憶故人一首

斜陽寂歷柴門閉一點炊煙時起鷄犬往來林外俱有
蕭然意 衰翁老去踈榮利絕愛山城無事臨去畫樓
頻倚何日重來此

其二 應靈道中

欄干幾曲高齋路正在重雲深處丹碧未乾人去高棟
空留句 離、芳草長亭暮無奈征車不 惟有斷鴻
煙渚知我頻回顧

其三

一彈指頃浮生過墮甌元知當破去、醉吟高臥獨唱
何須和 殘年還我從來我萬里湖煙舸脫盡利名韉
鎖世界元來大

其四

城南載酒行歌路 葉倡條無數一朶鞦韆紅凝露最是
關心處 鶯聲無賴催春去那更兼旬風雨試問歲華
何許芳草連天暮

其五題華山圖

中原當日三川震關輔回頭煨燼淚盡兩河征鎮日望
中興運 秋風霜滿青鬢老却新豐英俊雲外華山

千仞依舊無人問

極相思

江頭疎雨輕煙 寒食落花天翻紅隊素素殘霞暗錦一段
淒然 惆悵東君堪恨處也不念冷落樽前那堪更看
漫空相趁柳絮榆錢

一叢花

樽前凝佇漫覓 迷猶恨負幽期從來不慣傷春淚為伊
後滴滴羅衣那堪更是吹簫池館青子綠陰時 回廊
簾影書參差偏共睡相宜朝雲夢斷知何處倩雙燕說
與相思從今判了十分憔悴圖要箇人知

其二

仙姝天上自無雙
玉面翠蛾長黃庭讀罷心如
水閉朱戶愁近絲簧
惚明几淨閑臨唐帖
深炷寶奩香人間
無藥駐流光風雨又
催涼相逢共話清都
舊歎塵劫生死茫茫
何如伴我綠蓑青箬
秋晚釣瀟湘

隔浦蓮近拍

飛花如趁燕子直度
簾櫳裏帳掩香雲暖
金籠鸚鵡驚起疑恨
慵梳洗粧臺畔蘸粉
纖纖指寶釵墜才醒
又困厭中酒滋味墻
頭柳暗過盡一年春
事畫高樓怕獨倚千
里孤舟何處烟水

其二

騎鯨雲路倒景醉面
風吹醒笑把浮丘袂
寥然非復塵境震澤
千萬頃烟霏散水面
飛金鏡露華冷湘妃
睡起鬟傾釵墜慵整
臨江舞處零亂塞鴻
清影河漢橫斜夜漏
永人靜吹簫同過緹
嶺

昭君怨

晝永蟬聲庭院人倦
嬾搖團扇小景寫瀟
湘自生涼簾外蹴花
雙燕簾下有人同見
實篆折宮黃炷熏香
雙頭蓮呈范至能待制

華髮星驚壯志成虛
以身如寄蕭條病驥
向暗裏消

盡當年豪氣夢斷故國山川隔重、煙水身萬里舊涓
零青門俊遊誰記 盡道錦里繁華歎官閑晝永柴荆
添睡清愁自醉念此際付與何人心事縱有楚施吳檣
知何時東逝空悵望繪美菰香秋風又起

南歌子送周棧宜之益昌

異縣相逢脫中年作別難暮秋風雨客衣寒又向朝天
門外話悲歡 瘦馬行霜棧輕舟下雪灘烏双山下一
林丹為說三年常寄夢魂間

豆葉黃

春風樓上柳腰肢初試花前金縷衣嫋嫋娉娉不自持

曉粧遲盡得娥眉勝舊時

其二

一春常是雨和風風雨晴時春已空誰惜泥沙萬點紅
恨難窮恰似衰翁一世中

醉落魄

江湖醉客投杯起舞遺烏憤三更冷翠雲衣濕嫋
菱歌催落半川月 空花昨夢休尋覓雲臺麟閣俱陳迹
元來只有閑難得青史功名天却無心惜

鵲橋仙

華燈縱博雕鞍馳射誰記當年豪舉酒徒一一取封侯

獨去作江邊漁父
輕舟八尺低蓬三扇占斷蘋洲烟
雨鏡湖元自屬人又何必

一竿風月一蓑烟兩家在釣臺西住賣魚生怕近城門
况肯到紅塵深處潮生理擺潮平繫纜潮落浩歌歸
去時人錯把比嚴光我自是無名漁父

其三夜聞杜鵑

茅簷人靜蓬牕燈暗春晚連江風雨林鶯巢燕總無聲
但月夜常啼杜宇催成青淚驚殘孤夢又揀深被泥
去故山猶自不堪聽况半世飄然羈旅

長相思

雲千重水千重身在千重雲水中月明收釣筒一頭未
童耳未聾得酒猶能雙臉紅一尊誰與同

其二

橋如虹水如空一葉飄然煙雨中天教拚放翁側船
蓬使江風蟹舍參差魚市甲東到時聞暮鍾

其三

面蒼然鬢皤然滿腹詩書不直錢官閑常晝眠甘泉
自古功名屬少年知心惟杜鵑

其四

暮山青暮霞明夢筆橋頭艇子橫蘋風吹酒醒看潮
生看潮平小住西陵莫較程尊絲初可烹

其五

悟浮生厭浮名回視千鍾一髮輕從今心太平愛松
聲愛泉聲寫向孤桐誰解聽空江秋月明

菩薩蠻

江天淡碧雲如掃蘋花零落蓴絲老細一晚波平月從
波面生漁家真箇好悔不歸來早經歲洛陽城鬢絲
添幾莖

其二

小院春眠春欲老新巢燕乳花如掃幽夢錦城西海棠
如舊時當年真草一權還吾早題罷惜春詩景中添
鬢絲一訴衷情

當年萬里覓封侯足馬成梁州關河夢斷何處塵暗舊
貂裘胡未減鬢先秋淚空流此生誰料心在天山身
老滄洲

其二

青衫初入九重城結友盡豪英蠟封夜半傳檄馳騎諭
幽并時易失志難成鬢絲生平章風月彈壓江山別
是功名

生查子

還山何主恩，聊試扶犁手。新結小茅茨，却占清江口。
風塵不化衣，隣曲常持酒。那似宦遊時，折盡長亭柳。

其二

梁空燕委巢，院靜鳩催雨。香潤上朝衣，客少閑談麈。
鬢邊濕，千縷絲，不是吳蚕吐。孤夢泛瀟湘，月落聞柔艫。

破陣子

仕至千鍾良易，年過七十常稀。眼底榮華元是夢，身後
聲名不自知。營身端為誰，幸有旗亭孤酒，何妨蘭紙
題詩。幽谷雲蘿朝採藥，靜院軒窓夕對碁。不歸真箇癡。

其二

看破空花塵世放，輕昨夢浮名。蠟屐登山真率飲，筇杖
穿林自在行。身閑心太平，料峭餘寒猶力。蕙纖細雨
初晴。苔紙開題谿句，上菱唱遙煙外聲。與君同醉醒。

上西樓一名相見歡

江頭綠暗紅稀，燕交飛。忽到當年行處，恨依依。
灑清淚，歎人事與心違。滿酌玉壺花露，送春歸。

點絳脣

采葉歸來，獨尋茅店，沽新釀。暮煙千嶂，處處聞漁唱。
醉弄扁舟，不怕黏天浪。江湖上，遮回疎放，作箇閑人樣。

謝池春

壯歲從戎曾是氣吞殘虜陣雲高狼烽夜舉朱顏青鬢
擁雕戈西戍笑儒冠自來多誤功名夢斷却扁舟吳
楚漫悲歌傷懷吊古煙波無際望秦關何處歎流年又
成虛度

其二

賀監湖邊初繫放翁歸棹小園林時時醉倒春眠驚起
聽啼鶯催曉歎功名誤人堪笑朱橋翠徑不許京塵
飛到掛朝衣東歸欠早連雲風雨捲殘紅如掃恨樽前
送春人老

其三

七十衰翁不減少年豪氣似天山淒涼病驥銅馳荆棘
灑臨風清淚甚人懷伴人兒戲如今何幸故谿歸計
鶴飛來晴嵐暝翠玉壺春酒約群仙同醉洞天寒露桃
開未

一落索

滿路遊絲飛絮韶光將暮此時誰與說新愁有百轉流
鶯語俯仰人間今古神仙何處花前須判醉扶歸酒
不到劉伶墓

其二

識破浮生虛妄從人談謗此身恰似弄潮兒曾過了千
重浪且喜歸來無恙一壺春釀雨蓑煙笠傍漁棹應
不是封侯相

杏花天

老來駒隙駁二度筭只合狂歌醉舞金杯到手君休訴
看着春光又暮誰為倩柳條繫住且莫遣城笳催去
殘紅轉眼無尋處盡屬烽房燕戶

太平時

竹裏房櫳一徑深靜惜亂紅飛盡綠成陰有鳴禽
臨罷蘭亭無一事自脩琴銅爐裊海南沉沈塵襟

戀繡衾

不惜貂裘換釣蓬嗟時人誰識放翁歸擢借樵風穩數
聲聞林外暮鍾幽榭莫笑蝸廬小有雲山煙水萬重
半世向丹青看喜如今身在畫中

其二

無方能駐臉上紅笑浮生擾夢中平地是冲霄路又
何勞千日用功飄然再過蓮峯下乱雲深吹下暮鍾
訪舊隱依然在但鶴巢時有墮松

風入松

十年裘馬錦江濱酒隱紅塵萬金選勝鶯花海倚疎狂

驅使青春吹笛魚龍盡出題詩風月俱新
自憐華髮
滿紗巾猶是官身鳳樓常記當年語問浮名
何似身親
欲寄吳牋說與這回真箇閑人

真珠簾

燈前月下嬉遊處向笙歌錦綉叢中相遇彼
此知名終
見便論心素淺黛嬌蟬風調別最動人時
偷顧歸去
想閑惚深院調絃促柱
樂府初翻新譜漫
裁紅點翠
閑題金縷燕子入簾時又一番春暮側帽燕
脂坡下過
料也記前年崔護休訴待從今須與好花為主

風流子一名內家嬌

佳人多命薄初心慕德耀嫁梁鴻記綠窓睡起靜吟閑
詠句翻離合格變玲瓏
更乘興素紈留戲墨纖玉撫
桐
滴夜寒水浮
鳳牋春麗花研輕紅
人生誰

能料堪悲處身落柳陌
花叢空美畫堂鸚鵡深閉金籠
向寶鏡寫釵臨粧常晚
綉茵牙版催舞還慵
賜斷市橋
月笛燈院霜鍾

雙頭蓮

風卷征塵堪歎處青驄正搖金轡客襟貯淚漫萬點如
血憑誰持寄佇想艷態幽情壓江南佳麗春正媚怎忍
長亭匆、頓分連理
目斷淡日平蕪煙濃樹遠微茫

如薺悲歡夢裏柰倦客又是關河千里最苦唱徹驪歌
遲留無計何恨事待與丁寧行時已醉

鷓鴣天

杖屨尋春苦未遲洛城櫻筍正當時三千界外歸初到
五百年前事總知吹玉笛渡清伊相逢休問姓名誰小
車處士深衣叟曾是天津共賦詩

蝶戀花

禹廟蘭亭今古路一夜清霜染盡湖邊樹鸚鵡杯深莫
訴他時相遇如何處
卅二年華留不住鏡裏朱顏
畢竟消磨去一句丁寧君
記取神仙須是閑人做

渭南文集卷第五十二終

渭南文集後序

古之君子足以表見於世而光大其國者以有言語文章也學者知之而信信之而不薦何以達其令辭昭其成式而帥彼後人哉志於文獻者所當勉焉以振之也宋之徐希顏嘗以所為之文章悉自

焚之而不欲徼名於後世慎習諸
篇從遊者默而識之曾南豐索而
傳之於不朽也陸放翁之文章具
在而南豐之傳者蓋寡歷宋至今
待吾僉憲汪大夫而後傳焉大夫
東巡於是而稽古有文尚賢有道
奚止審於刑書而已故獲放翁之

遺事於省元張君直知之而信信
之而薦命予傳之而勿後也予也
德菲能鮮而守紹興之名郡其何
以堪之瞻彼清江祠而常目於劉
升諸清白堂而終心於范惟自濯
磨願學前脩而未克也文獻之事
殆將次第以為之大夫蓋嘗為之

矣吾曹莫能遁其責而且效其勞
焉書既成矣張君請從大夫之後
而書之嗟夫五達之交午固所不
能而七序之素餐尤所不免于豈
能文而善傳者乎張君道其文為
希顏之屬而大夫傳其事者南豐
之後也歐陽子云從其人而信之
可也予信大夫之薦而用命云爾
傳之何有於我哉自是而後要其
所歸成一代之制度以備
聖天子之疑丞必有能於彼矣予
於是乎良有待也

正德八年歲次癸酉五月之吉

賜進士出身中順大夫紹興府知

府上杭梁喬書

五嶽八千卷六經百五民之

...

...

...

...

...



